

**Le Diözesaninstitut für den Unterhalt des Klerus ( DJUK )** præia ince chësc ann do n contribut por mantegní nösce proi. Vigni spenöra, ince la plö picera, é de aiüt y pó gní trata jö dal davëgn sotmetü ala cuta. Informaziuns plö avisa ti jorantins jödapé de dlíjia.

**Kmb-Exerziten für Männer** im Kloster Marienberg vom 17. – 20. November. Anmeldung Mail: [info@kmb.it](mailto:info@kmb.it) - Tel. 320 444 5399 bis 05. November 2022.

**La biblioteca Sas dla Crusc** inviëia düc i interesá te biblioteca a Pedraces en jöbia ai 13 de otober dales 20:00 ai *“amisc dles erbes s'incunta – imparun a conësce n valgünes erbes che crësc tla natöra y sciöche an pó les adoré”*.

**Curs de Ultimo Aiüt**, metü a jí dales infermieres dl Raiun Sanitar Val Badia olach'an impara da socodí y da ti sté dlungia tla dërta manira a porsones che é tl morí. Le curs vëgn tigni anter 2 iadi:  
- a Badia, tla Ciasa J.B. Runcher, ai **22 de otober** dales 08:00 ales 12:00. Prëibel s'anunzié damperfora cina ai 21.10.2022, al nr. tel. 0474/586155, dales 08:00 ales 09:30  
- a San Martin, tl Istitut Ladin Micurá de Rù, ai **19 de novëmber** dales 08:00 ales 12:00. Prëibel s'anunzié damperfora cina ai 18.11.2022, al nr. tel. 0474/586128, dales 08:00 ales 09:30.


**Liber:** l'Istitut Ladin "Micurá de Rù" Ves inviëia dër bel ala presentaziun dl liber de Werner Pescosta: **1892-2022 - 130 agn Strada dla Val Badia**, en vëndres, ai 14 de otober dales 17:00 tl salf dl Istitut Ladin a San Martin.

**“Le cianté di Mituns dla Ladinia”:** a Reba tl Salf dles Manifestaziuns en domënia ai 16 de otober dales 14:30.

**Curs da fá ciandëres:** ai 19 y 20 de otober dales 19:30 te scora mesana a La Ila cun Pia Pedevilla por imparé a fá ciandëres por Gnissant y Nadé. Al vëgn metü a desposiziun le material y plates cun les istruziuns, le cost vëgn paí al momënt. I podëis se scrí ite cina ai 12 de otober pro Margit al numer de fonin +39 340 3438709. Organisaziun: Consëi Formaziun Badia.

*Die größte Kraft des Lebens ist der Dank !*

Impressum: Ploania, redaziun Cristina Frena  
Comunicaziun cina jöbia sëra a [parocchiabadia@libero.it](mailto:parocchiabadia@libero.it) o [frenocris49@gmail.com](mailto:frenocris49@gmail.com)  
Downlad plata: <https://www.valbadiaonline.it/comunita/ploanies/ploanies/ploania-badia.html>



# Plata dla Ploania Badia

San Iaco - San Linert


Ploan: Siur Iaco Wendelin Willeit  
Cell. 347 909 4532

Calonia Badia: 0471/839571

E-Mail: [parocchiabadia@libero.it](mailto:parocchiabadia@libero.it)

Radio dla Ploania: 91,10 Mhz

UNITÉ PASTORALA



VAL BADIA

[www.unitepastorala.org](http://www.unitepastorala.org)

Ann „C“ 09.10. – 16.10.2022 XXVIII° Domënia Tëmp Ordinar n. 46



Lê sö y vá!  
Tüa fede t'á salvé.

Vangele dla proscima Domënia - 29° dl Ann “C”

Lüca 18,1-8

Te chël tëmp ti á Gejú dit ai discepui, tres na parabola, che ai dess perié demeztru, zënza lascé do: Te na cité viöl n iudicadú che ne temò nia Idí y che n'á compasciun cun degügn. Tla medema cité viöl ince na vëdua che gnò tres indò da d'él y dijò: Fame avarëi le dërt cuntra mi nemi! Dî alalungia nen n'á le iudicadú orü savëi nia. Mo spo s'ál dit a sé instës: Ince sc'i ne tēmi nia Idí y i n'á compasciun cun degügn, òi impó ti fá avarëi le dërt a chësta vëdua, ciodiche ara ne me lascia degöna tria. Zënza vëgnera ciamó ala fin y me dá tla müsa. Y le Signur á ajunté: Aldide, co che le iudicadú iniüst dij. Ne dess nia Idí a sù prelitá, che ti scraia incuntra de y nót, ti fá avarëi le dërt, impede i fá aspeté? I ves diji: Al ti fajará avarëi le dërt atira. Mo le Fi dl Om, ciafaral mo canch'al vëgn ciamó fede söla tera?

# FUNZIUNS SACRES

## 09.10. **28<sup>a</sup> DOMÈNIA dl ANN C**

10.00 **Zelebraziun dla Parora**

15.00 *Prozesciun cun Chël Bel Dî da La Crusc*

18.00 **Mëssa**

†to siur Laurënz Irsara - aniversar

†ti Edi y Fefa Adang

†ti Burchia da Pedraces

## 11.10. **Mertesc – S. Jan XXIII / Papa**

**14.00** *Mëssa cun le Senioreclub*

†to Serafino Ploner

†to Giovanni Pitscheider dl Pico

## 12.10. **Mercui**

**07.25** *Mëssa cun i scolars*

†to Tone Anvidalfarei ( Pic'Tone )

†ti de Davide y Tarina Campeï

## 13.10. **Jöbia - S. Eduard**

*- degüna mëssa -*

## 14.10. **Vëndres**

07.30 †ti Maria y Felice Flatscher.

por les animes dl purgatore

## 15.10. **Sabeda - S. Teresa d'Avila**

16.00 **Mëssa a Oies**

## 16.10. **29<sup>a</sup> DOMÈNIA dl ANN C - Segra de düc**

10.00 **Mëssa dla Comunità / De de fede por la Comunità**

†ta Carmela Thaler Soppera - aniversar

†ta Paola Frena Pitscheider

†ti Linert, Maria y Aldo Valentin

18.00 †tes Zilia y Claudia Alfarei - aniversar

†ti Paolo y Carlina Pitscheider


†ta Rita Rungg Irsara

# Dala VITA dla CÛRA

## **Edema dla Fede 2022, dai 16 ai 23 de otober**

Ala mët man en domènia, ai 16 de otober cun na santa mëssa dales 10:00.  
Le program de düta l'edema ciafëise söl jorantin injunté ala plata de cûra.

**Chësta domènia, ai 9 de otober dales 15:00** fajunse te paisc la prozesciun cun la statua de Chëlbeldî da La Crusc.



En sabeda, ai 08.10.2022 se á uní tl Sacramënt dl MATRIMONE Marco Moling cun Stefanie Burchia. Düta la Comunità ti aoda tröpa ligrëza y benedisciun sön so tru deboriada.

**Senioreclub:** düc é inviá en mertesc, ai 11 de otober dales 14:00 te dlijia por na santa mëssa y spo dedô sté adüm al "San Leonardo" cun aorela cürta y val da domisdé.

**Proa di ministranc:** en lünesc, ai 10 de otober dales 15:00 te dlijia ... por düc chi che sciafia.

**La Uniun dles Èles inviëia al pelegrinaje dl altonn** en mercui ai 12 de otober. I piun ia dales 13:00 da Pedraces cun la coriera cina a Milland. Do na picera oraziun tla dlijia de S. Ujöp Freinademetz junse sö dala secunda dlijia da Milland dedicada a S. Maria. I se fajun spo n bel spazier sön la Karlspromenade cuntra Pursenú (n'ora da jí a pe, mo nia sfadius). Al Hotel Grüner Baum, olache mangiarun val da domisdé, se incuntarun ince cun Siur Sepl che se dij dales 18.00 na S. Mëssa tla Pfarrkirche St. Michael da Pursenú. Le cost é de 40 €. Prenotesse pro Roberta 338/3852548 anter i 09 de otober (präibel domisdé o da sëra, ince n whatsapp vá bun).

**Le KVV La Ila mët a jí n pelegrinaje a Unsere Liebe Frau im Walde** por La Ila, San Ciascian y Badia le mercui ai 19 d'otober.

La coriera sará a Pedraces dales 07.10. Al s'acompagnëia siur degan che dijará la s. mëssa. Dedô junse "Zur Sonne" a marëna. Söl iade vijita ala gran ciampana da Lana por rové a ciasa incër les 19.30. Le iade cun marëna costa por i scric ite 50€ y por i nia scric ite 60€. Prenotaziuns cina ai 17 de otober pro Hubert al nr. 339 1698343.